

KUKUMINUATSH, TSHIMUSHIMINUATSH KIE USHKATSH AIMUN

- Kukuminuatsh, tshimushiminuatsh kie ne ushkatsh aimun nishtutakuan e uitakanitsh ka mishta-apatit uitamatun Tshe apatishishtatun ka Ka uashtenamatshetau tshe atusseshtakuau Uashteshkuau tipelitamun.
- Tshika nashekanu kukuminuatsh, tshimushiminuatsh utaimunuau kie ne ushkatsh aimun nashekanu.
- Umehi nukutakanu ka mishta-ishpitelikuatsh:
 - ✓ Pekuakamiulnu-tshishe-utshimau kie utipelimitishunuau;
 - ✓ Uelutishiun ka apitelitakau Pekuakamiulnuatsh, ne kie shutshelitakau peikutenu tapishkuatsh itelitamun, apitelitamun e uitsheutunanuatsht ashitsh auassatsh, ka apitelimakanitau kukuminuatsh kie tshimushuminuatsh e tapishkuatsh itelitakanitsh kie apitelitakuan tshi nishtunakanitsh kie tshi ishpalitakanitsh uelutishiun kie Pekuakamiulnuatsh utilniunuau;
 - ✓ Ushutishiun ilnu-auass kie Ka shuelimat auass kie ilnuatsh ilnussihtsh (peikutenu kie Pekuakamiulnuatsh mishkanitsh uitishiun);
 - ✓ Ne ka inanuatsht auass apu nita tshika utsh pimutet e peikussit, usham taship tshika talu auelu, Ka shuelimat auass, utilnim kie kassinu Ilnuatsh.

AIMUNA KA ATSHITASHUNASHTETSH 1 EISH NISHTUTAKUATSH AIMUN E NELUANUATSH

- Ume aimun kau uitam^u nelueun eukuan ne ushkatsh utaimunuau. Pekuakamiulnuatsh kie ka nikanishtetsh ek^u tshitshue apitelitakuan.
- Ui tapuatamek kassinu ilnu-aimuna, nite tshika aimitanau ka atshitashunashtetsh 1 tipelitamun, ume tshitapatamuk ilnu-aimuna tshetshi uitishikuek e tapuetamek ka takuapekashtet :

Ilnu-auass (ilnu-auassatsh)	Ilnu-auass18 itapipuneshit kie etatu ka auassiutau Pekuakamiulnu e itapit
Ka nitautshinat auass (Ka nitautshinatau auassatsh)	issishuemakan auen ka pashikutishinat auass etshi uauitam utilniunuau kie utilnu-aitunuau. Ne pashikutishinat auass apu nite utinak Ka uashtenamatshetau, apu kie nite utinak nitetshe Upishtikuiau-tshishe-utshimau ka tshishpeuatat auassa kie peikuan nitetshe kutak ilnu atusseutshuap
Ka shuelimat auass (Ka shuelimatau auassatsh)	issishuemakan auen ka mishta-shuelimat ilnu-auass kie mak e milu-tutuat utshiluemakan kie uilakanuatsh ka nitautshinat auass, utshiluemakan kie ukum, umushum, ukumisha, utussa, ushimikaun makie kutak ilnu ka shuelimakut ilnu-auass
Ka uitsheuat auass (Ka uitsheutau auassatsh)	issishuemakan ka uitsheuat ilnu-auass auen ka milu-tutuat ilnu-auass tat ^u tshishik ^u etshi tapuetakanitsh tshi kanuelimakanit itsh uitshuahtsh. Ka uashtenamatshetau tshi milakanuatsh tshi aitutau kie Upishtikuiau-tshishe-utshimau tipelimun makie kutak ilnu- atusseutshuap
Kaishpitelimakanitau	issishuemakan auenitshenatsh ka ishpitelimakanitau eukuan ne aimun ka utinakanit tshetshi ish uilakanitau Kaishpitelimakanitau
Kananakatshitat	issishuemakan auen kananakatshitat aimun ka utinakanit tshi uilakanitau Kananakatshitat
Kupaniesh	issishuemakan auen ka uitishiu ^{et} , ka uitsheuet kie ka apitelimuet. Ne aimun uilakanuatsh kassinu kupanieshatsh ka tatau tshe nashakau ume tipelitamun
Nikupaniem/nikupanieshkuem	issishuemakan Pekuakamiulnuatsh ka natuelimatau auass tshetshi kanuelimatau
Ka uashtenamatshetau	Ka nikanipitau uiluau tshika atusseshtamuatsh ume tipelitamun


Ka uashtenamatshetau issishuемakan ka mishta-uashtenamuakanit auen. Ume e ishinikatekanitsh uitamatsheu utatusseunuau. Ka uashtenamatshetau tshetshi uitishatau kie tshetshi uitsheuatau peikutenuatsh kie tshi uashtenakau meshkanau nitetshe miluelimun. Peikutenuatsh tshe itutetau nite Shaputuan tshika mishkamuatsh tshe ish uashtenakanilitsh umeshkamuau kie etatu tshi milupalitau kie milekash tshi miluelimutau

Uashteshkuau Tipelitamun

issishuемakan etatu uashteshkuau ek^u ne tipelitamun issishuемakan e tipelimitishunanuatsh. Ne uashteshkuau e ishinikatetsh ne tipelitamun issishuемakan e uashtetsh kie pukushelitamun e takuatsh nishtutakuan e takuatsh tshishkutumatsheun ka miluetau kie mitelitakuan e tatau tshitanashkutapaminuatsh eshk^u e tutamuatau meshkanau kassinu peikutenuatsh Pekuakamihtsh



AIMUNA KA ATSHITASHUNASHTETSH 2 KASHTAHIKANA

- Ume aimuna uitam^u kashtahikana tipelitamun Uashteshkuau.
- Ne nasht ushkatsh kashtahikan nashekanu tshi miluelimut ilnu-auass kie Ka shuelimat auass takuan tshi mishta-nanakatishakanit ilnu-auass.
- Ilnu-auass kie Ka shuelimat auass takuanilu kuishk^u tshi nishtutatishutau, ui utinakanitsh kashtahikan takuan tshi uitsheuakanit ilnu-auass kie Ka shuelimat auass kassinu auen tshi utinak uitishiueun tshe ish uitishikut kie e itapashtat.
- Kutaka kashtahikana eukuan umehi :
 - ✓ Tshi uitakanitsh Ka uashtenamashtetau utatusseunuau (eish atussetau, auen nite e tat, kie tshi mashinatahakau eish nashakau utatusseunuau);
 - ✓ Ilnu-auass tshi tat ashit Ka shuelimat auass kie utilnim makie aishkatsh kau tshe mamu-uitapamitutau.
 - Tshek ishinakuatsh tshi pashtinakanit ne ilnu-auass nitetshe Ka uitsheuat auass, takuan tshi atusseshtakanitsh kau tshi uitapimat ukau kie utau makie nitetshe Ka shuelimat auass.
- Ume ulashinatahikan tshi uitishikuiek tshetshi etatu milu-nishtutakanitsh kashtahikana :



AIMUNA KA ATSHITASHUNASHTETSH 3 UASHTESHKUAU TIPELITAMUN NITETSHE ASSIHTSH KIE TSHE ISH PIMIPALITAKANITSH ASHKASHKU


- Ume aimuna uitam^u auen tshi apashtat umelu tipelitamun.
- Tshe pitutepalitsh ne tipelitamun, eukuan nitshenatsh tshe apashtatau :
 - Pekuakamiulnuatsh kie utauassimau ka apitau Mashteuiatsh;
 - Innu-auassatsh ka apitau uashka Pekuakami kie Saguenay.
- Aishkatsh ashkashku tshi takuatsh tipelitamun nitetshe e tatau ilnu-auassatsh, utenahtsh;
 - ✓ Shekutamitsh
 - ✓ Jonqui re
 - ✓ La Baie
 - ✓ Alma
 - ✓ Roberval
 - ✓ Dolbeau-Mistassini
 - ✓ Saint-F licien
 - ✓ Saguenay
- Eukuan ume assi-kalu e nukutakanitsh tanite tshe pitutepalitsh tipelitamun uashka Pekuakamihitsh :



Utenau-kaluatsh : Utenahtsh kie nite e apinuanatsh, Upishtikui u-tshishe-utshimau, <https://cdn-contenu.quebec.ca/cdn-contenu/adm/min/affaires-municipales/publications/cartes/region/02.pdf>


AIMUNA KA ATSHITASHUNASHTETSH 4 ILNU-AUASS USHAPELITAMUNA

- Ume aimun uitam^u ilnu-auass ushapelitamun.
- Tapuetamun tshe tapuetakanitsh takuan ilnu-auass ushapelitamun tshi utinakanilitsh eukuan ne alu e apitelitakuatsh.
- Tshetshi ishpitelitakanilitsh ushapelitamun ilnu-auass, takuan :
 - ✓ tshi ishpitelitakunilitsh e ishinikashit ilnu-auass, tshi ashinehikut utilnu-aitun (nelueun, tshitassinu, ilnu-aitun, kutaka kie aituna.);
 - ✓ tshi milakanit ilnu-auass uitishiun tshetshi miluelimut kie e milu-nanakatishakanit. Kie tshi milu-tshiuenamuakanit eish nutepalit, e itelimunanuatsh, eish aimituashunanuatsh, e nutepalit shatishiun;
 - ✓ tshi natutuakanit kie tshi apitelitakanilitsh tshekualu e natuelitak;
 - ✓ kie tshi tshisselimakanit tan itelimut, ilnu-auass pukutau e piminitishit kie tipelimitishu e unipalit ekue alu ilnishit;
 - ✓ tshi kanuelitakanitsh eish uitsheutatau ashitsh Ka shuelimat auass kie utilnim.
- Ilnu-auass apatshitau tshi nitautshit ashitsh Ka shuelimat auass, tshi milakut shatishiun, nanakatishiun, piminitishun, uitishitun, tshisheuutishiun, tipelimitishun, miluelimun kie milupun.
- Ume ulashinatahikan tshi uitishikuiek e nishtutakanit ushapelitamun ilnu-auass :




AIMUNA KA ATSHITASHUNASHTETSH 5 UKAUIMAU KIE UTAUIMAU, E TSHILUEMATUNANUATSH MAK PEKUAKAMIULNUATSH PIMINITISHUN

- Ume ka atshitashunashtetsh 5 uitam^u ukauimau, utauimau, ka shuelimat auass mak Pekuakamiulnuatsh eish tipelimatau ilnu-auassatsh.
- Ume ka atshitashunashtetsh 5 uitam^u uauitishiueun, e mamu-uitishitunanuatsk kie mak mamu-tapuetatishunanuatsk.
- Apitelitamuna :
 - ✓ ukauimau, utauimau makie ka nitautshinat auass uiluau nishtam tshika milu-tutueuatsh ilnu-auass (ukauimau, utauimau u piminitishunuau);
 - ✓ Ka shuelimat auass uitishiueu e milu-tutuat kie tshi miluelimut ilnu-auass kie tshi ashu-miluetau ilnu-aitun (tshiluematunanuatsk piminitishun). Ka shuelimat auass kie uil tutam^u tshi milu-nanakatishakanit ilnu-auass;
 - ✓ Pekuakamiulnuatsh kie uiluau tutamuatsk tshetshi milu-tutuatau, tshi milu-nanakatishatau kie tshi milakanit miluelimun ilnu-auass nitetshe utsh ilnu-aitun (Pekuakamiulnuatsh piminitishun);
 - ✓ kukuminuatsh kie tshimushuminuatsh mishta-apitelitakuanilu eish uitishiuetau;
 - ✓ umiluelimunuau ilnu-auassatsh kie e milu-nanakatishakanitau eukuan ne ilnuatsk piminitishun;
 - ✓ Ka shuelimat auass kie utilnim takuanilu tshi tatau kie tshi tutakau tshetshi ilnu-auass kanuelimukut Ka shuelimat auass kie tshi kanuelimakanit ilnussihtsh (eukuan nelu peikutenuatsk kie Pekuakamiulnuatsh e mishkakau tshe eish uitishatau ilnu-auass).
- Ume ulashinatahikan tshi uitishikuiek e nishtutakanit eish takuatsk nitetshe Uashteshkuau tipelitamun :



AIMUNA KA ATSHITASHUNASHTETSH 6 ILNU-UELUTISHIUNA KIE TSHITSHUE TIPAHIKANA TSHI MILU-NASHEKANITSH

- Ume aimuna ka atshitashunashtetsh 6 uitam^u ilnu-uelutishiuna kie tshitshue tipahikana tshi milu-nashakau Pekuakamiulnuatsh tshe eish uitishatau ilnu-auass kie Ka shuelimat auass.
- Ilnu-uelutishiuna eukuan umehi :
 - ✓ Ishpitelitamun;
 - ✓ Ishpitelitamun kie tshi shatishitishit ilnu-auass kie Ka shuelimat auass;
 - ✓ Uauitishitun kie matinueun;
 - ✓ Pekuakamiulnuatsh mamu-uitishiun kie e tatau;
 - ✓ Tapuetatun kie kuishkuteheu;
 - ✓ Ilnu-auass kie Ka shuelimat auass eish uauitishakanit kie eish uitsheukanit.
- Tshitshue tipahikana tshi milu-nashekanitsh, Pekuakamiulnuatsh apitelitamuatsh:
 - ✓ aitun kie e ashu-miluanuatsh nelueun kie ilnu-aitun, tshi nashekanitsh Pekuakamiunuatsh utilniunuau, aimituashuna kie ueshkatsh tshisselitamuna;
 - ✓ ilnu-aitun e apitelitakanitsh tshetshi miluelimunuanuatsh kie tshetshi ashineuatshuanuatsh eish uilitishit auen;
 - ✓ apitelitam^u ilnu-auass tshi uitapamat ka shuelimat auass;
 - ✓ tapitapishkuatsh tipelitamuna, eka malelimitunanuatsh;
 - ✓ eish uitishakanitau ilnu-auassatsh ka massitau kie ushtikuanuahtsh ka akushutau;
 - ✓ mitshenilu eish tshiluematutau ilnu-auass ashitsh Ka shuelimat auass tshe ishpitelitakanilitsh;
 - ✓ Ilnu-auass ashitsh Ka shuelimat auass eish natuelitakau tshe ish uitishakanitau;
 - ✓ peikutenuatsh utipelitamunuau tshi utinakau aimuna ka kashtahukutau.
- Tshetshi milakanitau tshi uitishuetau peikutenuatsh kie Pekuakamiulnuatsh, kupaniesh tshipatshi nanitu tshisselimeu Ka shuelimatau auassatsh nitetshe utatusseun.
- Atusseuna kie takuan :
 - ✓ tshi ishpitelitakanitsh papeik^u peikutenuatsh ashtelitamun kie ilnuatsh eish natukuhishutau;
 - ✓ tshi nashekanitsh papeik^u Pekuakami-peikutenuatsh utipatshimunuau kie ka ish pimipalitau.
- Ume ulashinatahikan tshi uitishikuiek e nishtutakanit eish takuatsh nitetshe Uashteshkuau tipelitamun :




AIMUNA KA ATSHITASHUNASHTETSH 7 ILNU-AUASS KIE KA SHUELIMIT AUASS UTIPELITAMUNUAU

- Ka atshitashunashtetsh 7 uitam^u ilnu-auass utipelitamuna, ukau, utau kie Ka shuelimat auass tshe ish pimipalitakanitsh.
- Ilnu-auass kie Ka shuelimat auass umelu utipelitamunuau :
 - ✓ tshi nelue-aimahakanitau e natuelitakau uitishiun;
 - ✓ tshi nanitu tshisselimakanitau, tshi aimitau kie tshi petuakanitau eshk^u eka utinakanitsh aimuna;
 - ✓ tshi uitsheukutau auelu e shutshelimatau;
 - ✓ tshi naushunakau tshe eish natukuhitishutau uiluau e itelitakau;
 - ✓ ashkashku tshi milakanitau uitishiuna tshe uitishikutau;
 - ✓ tshi mamishimuetau nitetshe Kananakatshitat miam ka itashtetsh tipelitamun.
- Ilnu-auass kanuelitam^u utipelitamuna miam ka mashinatelitsh nite *Kassinu ilnu-auassatsh, ka utshitau mishue ilnussihtsh utipelitamunuau* (ashushtakanu aimun 3 nite tipelitamun). Umehi passe tipelitamuna:
 - ✓ eka tshi nekatishakanit, tshi tshishpeuatakanit tshetshi eka matshi-tutuakanit, tshetshi eka mishue natamuk ish tutuakanit kie mak tshetshi eka tatshishkakut matshi-pamelitamun, tshetshi eka nasht malelimakanit;
 - ✓ tshi tshishkutamuakanit utilnu-tipatshimun kie aitun;
 - ✓ tshi milakanit uitishiuna kie tshi natukuhuakanit luash tshe ishpish miluelimut.
- ✓ APITELITAMUN : Ilnu-auass kutulnu ashu neu ka itatupipuneshit (14) kie etatu ka tshishelniut, ukau kie utau makie Ka nitautshinat auass muk uiluau tshipatshi anuelitamuatsh utaimunuau Ka uashtenamatshetau, Ka tshisheuatishitau kie Ka tshikaiashitenamuetau kie tshipatshi natuelitamuatsh tshetshi kau tshitapatakanilitsh utaimunuau Kaishpitelimakanitau miam iteshtetsh nite Uashteshkuau tipelitamun.
 - Miam ume tshek ma ilnu-auass kie mitshet Ka shuelimat auass tapuetakau ukum tshi kanuelimukut etshi tapuetatishutau Ka tshisheuatishitau, ukumishimau apu tshi natsh-anuelitak nitetshe Kaishpitelimakanitau. Mishkuatsh mak uil ukumishimau milakanu tshi nanitu-natshishkuakanit kie tshi uitak eish ishpilinanuatsh usham kie uil shuelimeu ilnu-auass.
 - Kie miam ume tshek ilnu-auass kie alu apitu e itashutau Ka shuelimat auass tapuetamuatsh ilnu-auass tshi kanuelimukut ukum etshi tapuetatishutau Ka tshisheuatishitau, ukauimau tshipatshi anuelitamuatsh nitetshe Kaishpitelimakanitau.

AIMUNA KA ATSHITASHUNASHTETSH 8 KA UASHTENAMATSHETAU UTATUSSUEUNUAU

- Ume ka atshitashunashtetsh 8 uitam^u ka uashtenamatshetau utatussueunuau, auenitshenatsh tshe atusseshtakau Uashteshkuau tipelitamun. Eukuan utshenatsh tshe atusseshtakau ne tipelitamun :
 - ✓ Ka uashtenamatshetau;
 - ✓ Ka tshisheuatishitau;
 - ✓ Ka tshikaiashitenamuetau;
 - ✓ Kaishpitelimakanitau;
 - ✓ Kananakatshitat.
- Ashitsh ne tipelitamun, ushkatsh uitishiun ka natuelitakau kie PJ apu tshika utsh tatau, Ka uashtenamatshetau uiluau tshika nikanipuatsh, ume ulashinatahikan tshi uitishikuiek :



- Ka uashtenamatshetau kassinu mamu eish atusseshtuatau auassatsh kie peikutenuatsh kie uiluau nashamuatsh tipelitamun.
- Tshishtin tshika apatshishakanuatsh Ka tshisheuatishitau kie Ka tshikaiashitenamuetau, Kaishpitelimakanitau kie Kananakatshitat apu tshika utsh taship atussehakanitau, issishuemakan peikutenuatsh apu tshika utsh taship natuelimatau Kaishpitelimakanitau kie Kananakatshitat.
- Tapahikana tshi eieshkushtakanu tshetshi milu-nashakau utatusseunuau Kaishpitelimakanitau kie Kananakatshitat.
- Ume ulashinatahikan tshi uitishikuiek tshe nishtutamek tan tshe ishinakuatsh atusseun ne tipelitamun :



TSHISHTIN

Ka tshisheuatishitau

- **Auenitshenatsh e tatau:** Ilnu-auass (ka milu nishtutak) ukau, utau, kie Ka shuelimat auass.
- **Nite Ka tshisheuatishitau utaitunuau:**
Tshi utinakau tapuetun, tshi tutakau peikutenu aitun mashinaikan, tshi tutakau kau tshi milupalihitutau peikutenuatsh.
- **Utatusseunuau:** Tshi tshisselitikau eitapashtat Ka shuelimat auass, kie tshi natatuatau, tshi mishkakau uitishiun peikutenuatsh kie uitishiun ilnussitsh kie tshi uitishatau Ka shuelimat auass tshetshi kau milupalihitutau peikutenuatsh.
- **Ume aimun 1 uapataliueun:** Ka tshisheuatishitau tshipatshi utinamutsh tapuetamun tshetshi ilnu-auass kunuelimukut ukum uelapissish tshetshi milu-nanakatishat ussime kie tshetshi miluelimulitsh. Ukauimau, utauimau tshika tshi petsh utisheuatsh ukumau mashtel-atushkan ek^u ne utussamau e nishuau-atushkanuatsh uetakussitsh tshetshi uitishat ukumau.
- **Ume aimun 2 uapataliueun:** Ka tshisheuatishitau tshipatshi utinamutsh tapuetamun tshetshi ilnu-auass uitapamat ukau, utau muk ukumishamau kie nitshenitsh pessish ka apitau natsh uapamatau ilnu-auass ukau, utau papeikua peik^u tshishik^u mamishkuatsh tshetshi tshishtin uapatakau e milupalinanuatsh.
- **Mishkutshitakanu:** Ka utinakau man tapuetamun ka atusseshtuatau ilnu-auassatsh nitetshe utsh LPJ kie nitetshe ka utinakanit tapuetamun (Upishtikuiau tipelitamun, ka auassitau tipelitamun).

TSHISHTIN

Katshikaiahtenimuetau

- **Auenitshenatsh e tatau:** ilnu-auass (ka itatupuneshit tshi nishtatak), ukau, utau, passe ilnuatsh ka atusseshtakau peikutenu aitun mashinaikan (miam ukumau, utussamau), ka atussesht miam (ka natukuhietau, ka-atusseshtuatau ka nekatshikutau shkutuapui, napiel, matshi-natakulin ka tshishkueshatshet) kie kupaniesh.
- **Utaitun:** utatusseunuau takuanilu tshi milatau, ilnu-auass kie Ka shuelimat auass, uitishiun eitapashtatau, tshi tutakau uitshetun kie milu-uitishieun, tshi tapuatakau peikutenu aitun mashinaikan kie tshi tutakau tshe milu aimihitutau ashtish kassinu Ka tshikaiahtenimuetau.
- **Ume aimun 1 uapataliueun:** ilnu-auass patetats itatupuneshu utussa kanuelimuku ashtish utau, ukau kie ukum uitisheuatsh utussamau. Ukau, utau, utussamau, ukumau, kupaniesh kie ka uitishiet ka nashakau umashinaikan ne ilnu-auass nite e tatau kie uilau nitetshe Ka tshikaiahtenimuetau takuan tshi uauapatakau kassinu eitapashtat Ka shuelimat auass.
- **Ume aimun 2 uapataliueun:** Ilnu-auass 14 ka itatupuneshit uitapameu ukau, utau muk mak uil uitishikuatsh ukumau, umushumau tat^u tshishik^u ka atussanuatsh. Ne ilnu-auass uitishiku ka atusseshtit tat^u tshishik^u tshetshi tipelimitishit. Ilnu-auass ukau, utau, ukum, umushum, kupaniesh mak ka atusseshtit tat^u tshishik^u ka uitishikut uilau kie teuatsh nite Ka tshikaiahtenimuetau kie nanakatshieuatsh ilnu-auass kie Ka shuelimat auass, kie nanakatshisheuatsh ilnu-auass kie Ka shuelimat auass tshi takunilish kassinu tshekualu eitapishtatau. Mishkutupishueuatsh Ka atusset LPJ

TSHIPATSHI

Kaishpitelimakanitau

- **Auenitshenatsh e tatau:** peik^u Pekuakamiulnu makie kutak auen ka talitsh ukalum shash etshi atusseshtuak peikutenuatsh kie mak nish^u Pekuakamiulnuatsh e ishpitelimakanitau. Peik^u Pekuakamiulnu ka aimisht ka itapit tshi uitshetut mak apu mashinatahutishit e utinak tapuetun.
- **Utaitunuau:** tshi utinak tapuetun auass 14 e itatupuneshit eka tapuetatishutau ukau makie utau, Ka nitautshinat auass kie Ka uashtenamatshetau.
- **Ume aimun 1 uapataliueun:** Ka tshisheuatishitau utinamutsh ka utshepishtakanitsh aituna tapuetamun tshi kanuelimukut ukum ne ilnu-auass usham apu nasht pamelimukut ukau. Apu tapuetak ne ukauimau apu tutak e itakanit. Kaishpitelimakanitau tshika uitamuakanuatsh e ishpalinanuatsh kie utinam^u tapuetun tshetshi miluelimut ilnu-auass.
- **Ume aimun 2 uapataliueun:** Kupaniesh utinam^u ka utshepishtakanitsh aituna tshe kanuelimukut ushimakahun. Utauimau nasht apu taputak kie apu ui ashuapamat Ka tshisheuatishitau. Natuelitam^u ilnu-auass kau tshi uitapamukut tietsh. Kaishpitelimakanitau tshika uitamuakanuatsh e ishpalitau tshetshi utinakau tapuetun ilnu-auass tshi miluelimut.
- **Mishkutshitakanu:** katipashkunishet (Upishtikuau-tipashkunikan, ka auassitau tipashkunikan) tshe mishkutapishtuakanitau.

TSHIPATSHI


Kananakatshitat

- **Auenitshenatsh e tatau:** Peik^u Kananakatshitat ashtish nitshenatsh ka uitsh-atussesmatau, natuelitamakunakue.
- **Utaitun:** mitshenilu utaituna, umehi tshi ishpatelitanitsh tipelitamun Uashteshkuau, tshi milu-nanakatshitat tshe ish uitishiuauuatsh, tshi uitak ilnu-auass utipelitamun kie Ka shuelimat auass, tshi kashtinak kie tshi ueueshtat tshekuan eka miluelitakanitsh, tshi nanitu tshisselitakanitsh ka matshipalitsh, tshi atusseshtak natuelitamun nete ka utshapalitsh Kaishpitelimakanitau kie tshi miluet aimun tshetshi etatu milu-uitishiuauuatsh kie milu-apashtakanitsh tipelitamun.
- **Apitelitamun:** Kananakatshitat takuanilu tshi tutak peik^u-pipun mashinaikan tshi uitak utatusseun kie tan tshi alu milupalitsh auassatsh e uitishakanitau. Ne mashinaikan tshika uitakanu netetsh ka utshimau-aiminanuatsh tshetshi shaputue tshi tshisselitakanitsh ne tipelitamun kie taship tshi uauitakanitsh.
- **Ume aimun 1 uapataliueun:** Pekuakamiulnu apu miluelitak ka ish uitishikut tipelitamun, tshipa tshi natsh uitamueu Kananakatshishat.
- **Ume aimun 2 uapataliueun:** Kananakatshishat uapatam^u Ka uashtenamatshetau passe mashinaikana apu utsh atusseshtakanitsh. Uil e itelitak tshiptshi nanitu tshisselitamun.
- **Mishkutshitakanu:** kassinu ilnuatsh Upishtikuiau tipelitamun, ka auassitau tipelitamun

AIMUNA KA ATSHITASHUNASHTETSH 9 AUENITSHENATSH TSHE TSHITAPATAKAU NATUELITAMUN

- Ka atshitashunashtetsh 9 uitam^u tan tshe eish natuapatakanitsh uitishiun kie tan eish pimipalitatau uiluau Ka uashtenamatshetau.
- Tshi pimipalitakanitsh tipelitamun muk peikushu uitishitun nitetshe tshe takuatsh natuelitamun auassatsh kie peikutenuatsh. Ka uashtenamatshetau ekut nitshenatsh tshe kashtinakau natuelitamun.
- Ilnu-auass uil utinakanilu eish natuelitak, Ka shuelimat auass uil tshika utinam^u aimun auass ushapelitamun katshi natshishkatutau Ka tshisheuatishitau (tshishtin). Ka tshisheuatishitau tshika utinamuatsh aimun tshetshi etatu milupalahitutau peikutenuatsh kie tshi takuatsh Peikutenu aitun mashinaikan. Ek^u ne mashinaikan takuan tshi mashinatetsh :
 - ✓ peikutenuatsh eish pimipalitau;
 - ✓ tan tshe ish nashekanitsh tshetshi kau milupalitau peikutenuatsh kie tshetshi utinakau aimun Ka tshisheuatishitau;
 - ✓ kashtahikana;
 - ✓ auenitshenatsh tshe tatau nite Ka tshikaiashitenamuetau, utatusseunuau kie tanitatua tshe natshishkatutau katshi ish uitakau Ka tshisheuatishitau makie Kaishpitelimakanitau tshipatshi mashtel utinakanilu utaimunuau;
 - ✓ tan ishpish kau tshi tshitapatakanitsh Peikutenu aitun mashinaikan.
- Katshi tapuetakau Peikutenu aitun mashinaikan Ka tshisheuatishitau kie kupaniesh (tshishtin), Ka tshikaiashitenamuetau nanakatshitauatsh tshi ishpitelimakanitsh unatuelitamun ilnu-auass kie Ka shuelimat auass, milakanitau tshi eish apatshitatau. Ka tshikaiashitenamuetau milu-uitamueuatsh Ka shuelimat auass kie ka uitishiuetau.
- Nanikutin e matshipalahitutau peikutenuatsh, Ka uashtenamatshetau takuanilu tshi ueueshtatau:
 - ✓ Nasht eka pamelimakanit auass;
 - ✓ E nekatishakanit auass;
 - ✓ E uapatak e mashikatunuanuatsh auass;
 - ✓ E matshi-tutatuakanit auass;
 - ✓ E mashikuakanit auass.
 - ✓ E nekatishitishit auass.
- Kaishpitelimakanitau teuatsh (nanikutin) e matshipalahitutau peikutenuatsh kie eka nishtutatishunanuatsh etshi utinakanitsh aimun :
 - a) ilnu-auass 14 ka itatupipuneshit kie etatu;
 - b) ukauimau, utauimau kie nanikutin Ka nitautshinat auass;
 - c) kupaniesh milu-uitak tshekuan uetsh matshipalihitunanuatsh katshi ashpitshishamut nitetshe ilnu-uelutishiuna kie tipelitamuna ka takuatsh nite tipelitamun Uashteshkuau.
- Kaishpitelimakanitau e utinakau aimun eukuan ne mashtel aimun muk tshipatshi kau tshitapatamuatsh natuelitamuakanit Kananakatshitat.

- Ume ulashinatahikan tshi uitishikueik tshi nishtutamek eish atussetau Ka uashtenamatshetau (kashteushinateu aimuna tshishtin tshi nashekanitsh ek^u nihi ka uapashinatekau tshipatshi nashekanu) :



- Ui nishtunamek alu, tapuatamuk « Tan tshipa ish nashekanu *Uashteshkuau Tipelitamun* ».

AIMUNA KA ATSHITASHUNASHTETSH 10 UTSHEPISHTAKANU AITUNA

- Ume ka atshitashunashtetsh 10 uitam^u tan ishpish kie tanite kupaniesh uipatsh tshe aiteit.
- Ilnu-auass e ui milu-nanakatishakanit kie e ui milu-tutuakanit uipatsh uitishakanu, takuanikue tshetshi milu-tutuakanit ilnu-auass.
- Nihit uitishiuna muk nanikutin tshipatshi apashtakanu kie e mishta-apatitsh.
- Ka uashtenamatshetau uiluau tshika tapuetamuatsh ne uitishiun kie apu milekash tshe nashakau.
- Tshi tutakanitsh, ilnu-auass 14 ka itatupipusneshit kie alu ka tshishelniut, ukau kie utau makie Ka nitautshinat auass takuanilu tshi nanitu tshisselimakanitau eshk^u eka utinakanitsh aimun-uitishiun. Muk mak uil tshipatshi ishinakuan kupaniesh tshi atusseshtak at peikuan etshi anuelitakau.
- Tshetshi ishpitelitanilitsh peikutenuatsh ka utinakau utaimunuau, uipatsh uitishiun nashekanu luash tshi tatau Ka tshisheuatishitau kie luash tshi mashinatahikanitsh Peikutenu aitun mashinaikan.

Ilnu-auass 14 ka itatupipuneshit kie alu ka tshishelniutau, ukau, utau makie Ka nitautshinat auass tshipatshi uitamueuatsh Kaishpitelimakanitau eka tapuetakau nelu e utshepishtakanu aituna.

- Miam ume, kupaniesh ituteu mitshuapihtsh katshi takapitschenamakut kamakunesha, ilnu-auass ka nishupishimuenishit mishkuakanu e peikushishit, apu auelu talitsh. Apu tshisselimakanitau tanite e talitsh ukau mak utau. Kupaniesh tshipatshi itutaheu nelu ilnu-auass nete Ka shuelimat auass usham kushpinelimakanu ne ilnu-auass.
- Miam umehi, kupaniesh tshipatshi itutaheu ilnu-auass nete Ka shuelimat auass uelapissish tshi kanuelimakanit makie nitetshe mitshuapihtsh ilnu-auassatsh ka uitishakanitau, apu milakanit ilnu-auass tshi aimahat kutaka auelu, tshi tapuetuakanit tshi natukuhuakanit ilnu-auass uelapissish.

**AIMUNA KA ATSHITASHUNASHTTSH 11
ILNU-AUASS KANUELMAKANIT AITSH UITSHUAHTSH**

- Ume ka atshitashunashttsh 11 uitam^u tshe ishpitelimakanit ilnu-auass tshetshi aitsh kanuelimakanit.
- Ilnu-auass takuanilu tshi uitapamat Ka shuelimat auass, nasht mashtel tshika tapuetakanu aitsh uitshuahtsh tshe kanuelimakanit katshi kassinu tshitapatakanitsh tan tshipa tutakanu.
- Katshi tapuetakanitsh ilnu-auass tshi kanuelimakanit aitsh uitshuahtsh, takuan tshi nashekanitsh ilnu-uelutishuna, ilnu-aitun kie Pekuakamiulnuatsh eish ilniutau.
- Eka tshi kanuelimakanit uitshuahtsh kie eka tshi utinakanilitsh ushapelitamun, nitetshe tshika kanuelimakanu :
 - a) Ukauimau makie utauimau;
 - b) Ka shuelimat auass, ukuma kie umushuma;
 - c) Pekuakamiulnu;
 - d) Namieu Pekuakamiulnu;
 - e) Kutakatsh auenitshenatsh ka mamuhitutau, atikamekulnu, mishta-ashiniulnu, kie kutakatsh;
 - f) Kutak auen e tep tshishelniut.
- Ka ish tshiluematutau ekute nite tshipa ish kanuelimakanu ilnu-auass makie ashitsh kutakatsh ilnu-auassatsh ka kanuelimukutau Ka shuelimat auass makie pessish ka talitsh.
- Takuan kau tshi tshitapatakanilitsh ilnu-auass tshetshi kau natshi-uitapamat ukau, utau, Ka nitautshinat auass makie Ka shuelimat auass.
- Tshek aitsh Mashteuiatsh kanuelimakanit ilnu-auass makie namielu Pekuakamiulnu ka kanuelimukut, ilnu-auass takuanilu tshi kanuelitak Ilnu-aitun mashinaikan tshetshi taship itelimitishit miam Pekuakamiulnu tshetshi ashinet e ilnu-ishinikatishit kie tshi nashak ilnu utilniun.
- (Ilnu-auass kau e uitapimat ukau, utau, Ka nitautshinat auass makie Ka shuelimat auass) eukuan ne taship tshe ish nashekanitsh e atusseshtuakanit ilnu-auass kie e kanuelimakanit aitsh uitshuahtsh eukuan ne mashtel aitun tshe utinakanitsh.

AIMUNA KA ATSHITASHUNASHTETSH 12 KA UITSHEUAT AUASS

- Ume ka atshitashunashtetsh 12 uitam^u Ka uashtenamatshetau tshe ish atusseshtuatau Ka uitsheuat auass kie uitam^u Ka uitsheuat auass tan tshe ish atusseshtuat ilnu-auass kie Ka shuelimat auass.
- Ka uashtenamatshetau uiluau tipelitameuatsh Ka uitsheuatau auassatsh kie uiluau tipelitamuatsh tan tshe ish tshitapatekanilitsh unatuelitamun ne ka uitsheuat auass tshetshi milakanit umashinaikan. Ne mashinaikan milueu tshe ish milualitsh eish ishpalinanuatsh kie tshi uapatakanitsh Pekuakamiulnu utilniun.
- Ka uashtenamatshetau uitisheuatsh kie uitsheueuatsh Ka uitsheuat auass eish nanakatishakanit kie eish atusseshtuakanit ilnu-auass.
- Ka uitsheuat auass eshk^u eka atusseshtuat ilnu-auass, takuanilu tshi nishtutak kau tshe mamu-uitapamitutau peikutenuatsh eukuan ne ushkatsh utatusseun.
- Ka uitsheuat auass takuanilu :
 - ✓ tshi milat ilnu-auass milu-kanaushun, shatishitun, shuelimun, uitishiun kie tshi nashak ilnu-aitun;
 - ✓ tshi atusset ashitsh Ka shuelimat auass tshetshi kashtahikanitsh Peikutenu aitun mashinaikan miam ka ui tutakanitsh tshi mamu-uitapamitutau peikutenuatsh;
 - ✓ tshi tutak tshetshi milu-uitsheututau ilnu-auass ashitsh Ka shuelimat auass kie ashitsh utilnim ne ilnu-auass;
 - ✓ ishpitelital Peikutenu aitun mashinaikan;
 - ✓ utinak ilnu-aitun kie Pekuakamiulnuatsh utilniuau ashitsh ishpitelitamun;

AIMUNA KA ATSHITASHUNASHTTETSH 13 NIKUPANIEM/NIKUPANIESHKUEM

- Ume ka atshitashunashtetsh 13 uitam^u Nikupaniem/nikupanieshkuem kie tan tshe aititau tshetshi kashtinakau mashinaikan tshe milakutau Kaishpitelimakanitau.
- Nikupaniem/nikupanieshkuem eukuan eish ishinikatakanitau e uauitakanitsh ueshkatsh kie eshk^u kashikatsh ilnuatsh ka ish kanuelimat auass.
- Eukuan ne Peikutenuatsh nishtutatun kie ishpitelitakanu ilnu-uelutishiuna, uitishiun kie peikutenuatsh eish uitishitutau kie Pekuakamulnuatsh eish uitishitutau;
- Nikupaniem/nikupanieshkuem ueshkatsh ka ish kanuelimakanit ilnu-auass apu apashtakanitsh Upishtikuau-tipelitamun ka kashtahukut Ilnu-auass kie ukau mak utau. Nikupaniem/nikupanieshkuem apu pikunak ilnu-auass eish kanuelimakanit muk mak uil ne ka kanuelimat auass uil tipelimeu auass tshe ishpish tshish-kanuelimat.
- Pekuakami-peikutenu tshipatshi natuelimeu Nikupaniem/nikupanieshkuem muk tanite e apit Upishtikuiaussihtsh.
- Kaishpitelimakanitau uiluau tshisselitamuatsh e milualitsh umashinaikan Nikupaniem/nikupanieshkuem. Eka milualitsh, Kaishpitelimakanitau tshipatshi eka mileuatsh mashinaikan Nikupaniem/nikupanieshkuem.
- Nikupaniem/nikupanieshkuem katshi tshish kanaushutau, ka pashakutishanatau auassatsh makie nitshenatsh uelapissish ka kanuelimatau auass uiluau utinamuatsh aimun ilnu-auass eish pimipalit.

**AIMUNA KA ATSHITASHUNASHTETSH 14
TIPAHIKANA EISH UITAKANITSH TSHETSHI EKA
UILAKANIT AUEN**

- Ume ka atshitashunashtetsh 15 uitam^u tipahikana eish uitakanitsh tshetshi eka auen uilakanit kie tanite tshe miluanuatsh eish tshisselimakanit nitetshe utsh pimipalitakanitsh tipelitamun.
- Tshishtin takuanilu tshetshi eka uilakanit auen ka atusseshtuat ilnu-auass kie Ka shuelimat auass kie takuan tshi ishpitelitakanitsh. Kie uiluau Ka tshisheuatishitau kie Ka tshikaiashitenamuetau takuanilu tshi nashakau.
- Ne ilnu-auass 14 ka itatupipuneshit kie alu e tshishelniut tshipatshi uitakuanilu eish ilniut kie tshi uilakanit etshi tapuetak makie ukauimau, utauimau tapuetakau ilnu-auass eka 14 itatupipuneshit uitakanitsh utilniun makie ish uilakanit. Tshek ukau, utau ne ilnu-auass uilakanitau takuanilu tshi tapuetakau tshi uilakanitau. Ishinakuan tshi uitakanitsh katshi tapuetakanitsh.
- Kassinu kupanieshatsh ka atusseshtuatau ilnu-auassa kie Ka shuelimat auass tshipatshi uauitamatuatsh passe eish tshisselimakanit ilnu-auass tshetshi etatu milu-uitishakanit. Apu shuk tshi uitakanitsh eish apatitsh kie eish aimihitunanuatsh kie takuan tshi milu-uitakanitsh.
- Kupaniesh tshipatshi milakanu tshi tshisselitak tshitshue e matshi-palahitunanuatsh tshetshi milu-uitishuet muk tshika takuanilu ilnu-auass 14 ka itatupipuneshit kie alu ka tshishelniut makie ukau, utau tshi tapuetakau. Nihi tshisselitamuna kashtinakanu tshetshi milu-nanakatishakanit ilnu-auass kie tshetshi miluelimut. Nihi tshisselitamuna at peikuan eka tapuetakau ukauimau, utauimau makie ilnu-auass 14 ka itatupipuneshit kie alu ka tshishelniut muk nanikutin tshika tapuetakanu tshi miluanuatsh.
- Upishtikuau-tipashkunan, ka auassiutau tipashkunan tshipatshi tapuetueu kupaniesh tshi uapatak umashinaikan ukau makie utau ne ilnu-auass makie umashinaikan kutak auen e matshi-palit e matshi-nanakatishakanit ilnu-auass kie tshipatshi akunishhepalitau passe mashinaikana ka apatakau ne eish matshi-palahitutau. Upishtikuau-tipashkunan, ka auassiutau tipashkunan uiluau tipelimueuatsh.
 - Miam ume kupaniesh tshipatshi uitamueu ka atusselitsh nite ka kanuelimakanitau auassatsh uipatsh tshi utinakanitsh e utshepishtakanitsh aituna etshi uluitishinakanit nite uitshuahtsh utakushitsh tshetshi milu-uitsheuakanit ne auass uesh nekatelitam^u.
 - Miam ume kupaniesh tshipatshi tapuatam^u ilnu-auass 10 ka itatupipuneshit unatukuhi-mashinaikan at peikuan eka tapuelitamilitsh ukau, utau katshi tshitshue matshi-palahitutau kie e kushpinelitanilitsh ilnu-auass utilniun.
 - Miam ume kupaniesh tshipatshi natuelitam^u tshi tapuatak ukau unatukuhi-mashinaikan ne ilnu-auass at peikuan eka tapuetak ne ukauimau etshi matshi-tutuakanit ne ilnu-auass. Tshek kupaniesh ui tapuatak unatukuhi-mashinaikan ne ukauimau kie ui akunishhepalitau passe mashinaikana takuanilu tshi natuelitak nitetshe Upishtikuau-tipashkunan, ka auassiutau tipashkunan .

AIMUNA KA ATSHITASHUNASHTETSH 15

KUTAKA TIPAHIKANA KA MISHTA-APITELITAKUATSH TSHE NASHEKANITSH

- Ume ka atshitashunashtetsh 16 uitam^u e mitshekau tipahikana ka mishta-apitelitakuatsh tshi nashekanitsh tshi pitutepalitsh ne tipelitamun miam atusseun-natuelitamuna, tan tshipa eish uitishiuanu nitetshe mitshuap ka auassitau ka uitishakanitau, ashitsh kutakatsh ilnuatsh, tshipatshi mashinatahutishunanu nishtutatun mashinaikan ashitsh kutaka atusseutshuapa kie ish apitelitakunilitsh ka uitishiuetau utsh tipelitamun tshi tipelimitishutau kie kuishk tshe atussetau.
- Tshek ma ilnu-auass ushumut nite e apit makie nitetshe ka kanuelimakanit kupaniesh e kushpinelimat nelu auass tshipatshi natuelitam^u nitetshe Upishtikuaui-tipashkunikan, ka uassiutau tipashkunikan tshi milakanit mashinakanuian tshi natuapamakanit ne auass kie tshi milu-nanakatishakanit kie tshi tutakanitsh tshi miluelimut.
- Tshek ma ilnu-auass e kanuelimakanit nitetshe mitshuapihtsh ka auassitau ka uitishakanitau tshipatshi atshishekahikanilu ukatshipahikanishimuau makie ne ilnu-auass tshipatshi itutahakanu netetshe mishta-uauitishiun (nite ka atshishekahikanitsh ishkuatem, ilnu-auass apu tshi uluit) tshetshi milu-tutuakanit. Ume e aitanuutsh apu shuk utinakanitsh muk nanikutin takuan tshi tutakanitsh tshetshi ilnu-auass milu-kanuelimakanit. Tshek ne ishpalitsh :
 - ✓ Ka uashtenamatshetau tshika mamu-atusseuatsh ashitsh ka atussetau nite ne mitshuap;
 - ✓ Tshek ma ilnu-auass 14 ka itatupipuneshit makie etatu ka tshishelniut makie uikau, utau makie Ka nitautshinat auass eka tapuetakau e aitanuutsh tshipatshi natuelitamueuatsh Kaishpitelimakanitau.
- Ui tapuetuakanit auen, tshipatshi muk uitamuakanu nelu ka natuelitak. Apu takuatsh tshi mashinatahutishit.
- Mishta-apitelitakuan Ka uashtenamatshetau, Kaishpitelimakanitau kie Kananakatshitat mishue tshi ish tipelimitishutau. Takuanilu tshetshi eka tshekualu uitakau.
- Ka uashtenamatshetau tshipatshi tutamuutsh tshi uitsh-atusseematutau ashitsh kutaka atusseutshuapa tshetshi milakanitau Pekuakamiulnuatsh mishta-milu-atusseun.
- Ka uashtenamatshetau uiluauatsh milakanuutsh tshe atusseshtakau kassinu nishtutatuna tshe nashakau uitishieun Pekuakamiuassatsh tshe kashtahukutau nelu *Tipelitamun* eish *kashtahukutau ishkuessatsh kie napessatsh* (L.C. 2002, ch. 1).
- Ui mishkutshitakanitsh tipelitamun, takuan tshi nashekanitsh ume :
 - a) ui mishkutshitakanitsh tipelitamun, takuan tshi akutakanitsh mashinakanuian kassinu auen tshi uapatak;
 - b) tshika nanitu tshisselimakanuutsh ilnuatsh e ui ish mishkutshitakanitsh tipelitamun;
 - c) Katakuhimatsheta uiluau tshika mashinatahamuatsh e tapuetakau eish mishkutshitakanitsh tipelitamun katshi nanitu tshisselimakanitau ilnuatsh.

**AIMUNA KA ATSHITASHUNASHTETSH 17
TIPAHIKANA ESHK^u
EKA TAPUETAKANITSH TIPELITAMUN**

- Ume ka atshitashunashtetsh 17 uitam^u passe tipahikana ume anutshish eish tipelimakanit auass kie *Uashteshkuau Tipelitamun*.
- Kassinu mashinaikana atusseun ka eish tipelimakanitau auassatsh («DPJ» Saguenay-Lac-Saint-Jean ka apitau) Ka uashtenamatshetau tshika milakanuatsh. DPJ aishkatsh tshika tipaham^u mashinaikana. Ka uashtenamatshetau ashitsh Ka tshisheuatishitau tshika tshi atshishtauatsh.
- DPJ tshika tshipahamuatsh kassinu mashinaikana (ka itutakanitsh nite Upishtikuiiau-tipashkunikan, ka auassitau tipashkunikan) kie Ka uashtenamatshetau tshika milakanuatsh. Ka uashtenamatshetau ashitsh Ka tshisheuatishitau tshika tshi atshishtauatsh
- Tatua utinakanitsh aimun tshe miluetau mashinaikana tshika milu-atusseshtuakanu ilnu-auass kie tshika nashekanu milu-atusseun, ashpitishimuna, uelutishiuna mak tipelitamuna e itashtesh nite *Uashteshkuau Tipelitamun*.
- Ne tshishik^u katshi tapuetakau Katakuhimatsheta tshe pimipalitatau tipelitamun.
 - Miam ume, Peikuakami-peikutenu ka tatau Uashatsh eshk^u iapitsh DPJ atusseshtaku. Ilnu-auass ka alakanit Uashahtsh ashitsh Ka uitsheuat auass. Ka uashtenamatshetau katshi kashtinakau auass umashinaikan tapuatamuatsh kie mamuhituatsh ashitsh Ka tshisheuatishitau. Ka tshisheuatishitau uiluau tshipatshi tapuetamuatsh tan tshe eish uitishakanit ilnu-auass. Tshipatshi ishinakuan ilnu-auass tshi uitapamat Ka uitsheuat auass makie tshi tat ashitsh ukau, utau makie ashitsh Ka shuelimat auass, muk tan tshe ishpalitau uiluau.